



**Tužilaštvo - Tužiteljstvo Bosne i Hercegovine**  
**Тужилаштво Босне и Херцеговине**

**Broj:** T20 0 KTRZ 0004241 07

**Datum:** 22.01.2024. godine

**Sudu Bosne i Hercegovine**  
**Sudiji za prethodno saslušanje**

Na osnovu člana 35. stav 2. tačka i), člana 226. stav 1. i člana 227. stav 1. Zakona o krivičnom postupku Bosne i Hercegovine (ZKP BiH) podižem:

**Optužnicu**

**Protiv:**

**Spasojević Dragana,** rođenog **1965. godine u**  
**Zvorniku,**

**državljanina Republike Srbije i Bosne i Hercegovine,**

**Radović Vinka,** rođenog **1959. godine u**  
**Zvorniku,**  
**državljanina BiH** **i Republike Srbije,**



Ženevske konvencije o zaštiti civilnih lica za vrijeme rata od 12.08.1949. godine kao i člana 17. stav 2.<sup>5</sup> Dopunskog protokola II<sup>6</sup> uz Ženevske konvencije i to tako što su:


- **Spasojević Dragan**, postupajući u svojstvu direktora preduzeća „Autotransport“ Zvornik te *de facto* jedan od najutjecajnijih ljudi u strukturi srpske vlasti općine Zvornik, svjesno i voljno pomogao u pripremanju i učinjenju **prisilnog preseljenja** oko četiri hiljade muslimanskih civila sa područja sela Đulići, Klisa i okolnih sela, te svjesno i voljno pomogao u nezakonitom **zatvaranju** oko 600 civila muslimanske nacionalnosti sa područja sela Đulići, Klisa i okolnih sela suprotno osnovnim pravilima međunarodnog prava;
- **Radović Vinko**, postupajući kao predsjednik SDS-a u selu Petkovci i u ime srpskog sela Petkovci, svjesno i voljno pomogao u pripremanju i učinjenju **prisilnog preseljenja** oko četiri hiljade muslimanskih civila sa područja sela Đulići, Klisa i okolnih sela;
- **Vasić Dragomir**, postupajući kao predvodnik izbjeglih Srba iz sela Brnica – općina Živinice te organizator njihovog naoružavanja i kao njihov *de facto* vođa koji se brinuo za njih, svjesno i voljno pomogao u pripremanju i učinjenju **prisilnog preseljenja** oko četiri hiljade muslimanskih civila sa područja sela Đulići, Klisa i okolnih sela;
- **Panić Petko**, postupajući u svojstvu zamjenika komandira Stanice javne bezbjednosti Zvornik, svjesno i voljno, kao saizvršilac, učinio: **nečovječna djela** slične prirode, učinjena u namjeri nanošenja velike patnje ili ozbiljne psihičke povrede prema oko četiri hiljade muslimanskih civila sa područja sela Đulići, Klisa i okolnih sela, **nezakonito zatvaranje** oko 600 civila muslimanske nacionalnosti sa područja sela Đulići, Klisa i okolnih sela suprotno osnovnim pravilima međunarodnog prava, te **prisilno preseljenje** oko tri hiljade muslimanskih civila sa područja sela Đulići, Klisa i okolnih sela;


i to tako da:


- nakon što je u periodu od 8.4.1992. godine do 31.05.1992. godine položajima srpske vojske okruženo 20-ak muslimanskih sela i zaselaka općine Zvornik, i to sela Đulići, Klisa, Tršić, Kučić Kula, Dardagani, Mrakodol, Hajdarevići, Lupe, Grbavci, Grebe, Musići, Radava Topalovići, Čelišmani, Ahmetovići, Sjenokos, Đine, Kaludrani, Hamzići i drugih sela, a u tom periodu je **Radović Vinko** u ime srpske vlasti dogovorio sa muslimanima tog područja da predaju oružje srpskim vlastima uz garanciju da im se nakon toga ništa neće desiti te su muslimani i predali oružje, nakon čega je **Radović Vinko** muslimanima sa tog područja izdavao propusnice za kretanje, a nakon toga su muslimanski civili iz ovih sela i zaselaka izbjegli u selo Klisa i Đuliće zbog ubistava, hapšenja, fizičkog zlostavljanja, paljenja njihovih kuća, te su gotovo ostali bez hrane i nisu mogli ići ni u bolnicu radi liječenja,
- a zatim nakon što se dana 30.05.1992. godine oko 1.500 izbjeglica srpske nacionalnosti sa područja općina Kladanj i Živinice, među kojima i srpsko stanovništvo iz sela Brnice koje je predvodio i čiji je predstavnik bio **Vasić Dragomir**, smjestilo u sportsku dvoranu u Zvorniku, nakon čega je **Vasić Dragomir** otišao u komandu Teritorijalne odbrane Zvornik (TO Zvornik) i zatražio da im se obezbijedi smještaj na području Zvornika, a zatim su dana 31.05.1992. godine predstavnici srpskih izbjeglica **Vasić Dragomir** i [REDACTED], uz podršku **Spasojević Dragana**, organizovano obišli napuštena muslimanska sela Berbići i Mahmutovići radi useljavanja u ove kuće ali su bili nezadovoljni stanjem zatečenih praznih muslimanskih kuća koje su smatrali neuslovnim za useljenje, a zatim su se vratili u sportsku dvoranu,
- nakon čega su u sportsku dvoranu istog dana 31.05.1992. godine, ponovo došli **Spasojević Dragan** i [REDACTED] i obavijestili **Vasić Dragomira** da su za taj dan dogovorili sastanak


- sa predstavnicima muslimana iz sela iz kojih nisu bili iseljeni, a radi njihovog iseljavanja prema Tuzli, te su pozvali **Vasić Dragomira** i [REDACTED] da dođu na taj sastanak, sa prijedlogom da se nakon toga usele u te njihove do tad nenapuštene muslimanske kuće,
- nakon čega su dana 31.05.1992. godine, u poslijepodnevnom satima u srpskom selu Petkovci, u kući **Radović Vinka, Spasojević Dragan, Radović Vinko, Vasić Dragomir** i drugi predstavnici srpske vlasti, učestvovali na sastanku na koji su pozvali muslimanske predstavnike iz okruženih muslimanskih sela Đulići, Klisa i drugih sela i to [REDACTED], [REDACTED], kojom prilikom su prisutni srpski predstavnici naredili muslimanskim predstavnicima da se svi muslimanski stanovnici ovih sela okupe naredno jutro u Klisi te da se sa traktorima, vozilima i ličnim stvarima isele prema Sapni koja se nalazila pod kontrolom Armije BiH,
  - te je nakon ovog sastanka **Radović Vinko** zatražio dodatne srpske vojne i policijske snage radi provođenja ovog iseljenja, nakon čega je organizovana srpska vojska i policija da izvrši prinudno preseljenje civilnog muslimanskog stanovništva na područje pod kontrolom Armije BiH ali ne preko Sapne nego u suprotnom pravcu preko Bijelog Potoka i Karakaja, pa je u toj namjeri **Vasić Dragomir** obezbijedio učešće oko 60 naoružanih izbjeglih srpskih vojnika iz Brnice, **Spasojević Dragan** je obezbijedio oko 20-30 kamiona preduzeća „Autotransport“ i vozače radi transporta muslimanskih civila, **Radović Vinko** je obezbijedio učešće srpskih vojnika iz sela Petkovci, a **Panić Petko** je obezbijedio učešće 20-ak srpskih aktivnih i rezervnih policajaca Stanice javne bezbjednosti Zvornik, te je **Radović Vinko** u večernjim satima došao u selo Klisu sa vozilom i kod kuće [REDACTED] naredio [REDACTED] i ostalim stanovnicima sela Klisa također da „kupe“ stvari i da sele sa tog područja;
  - nakon čega je dana 01.06.1992. godine u jutarnjim satima oko 60 naoružanih pripadnika Brničke čete među kojima je bio i [REDACTED] **Vasić Dragomira**, pod pratnjom dva transportera i oklopnog vozila „praga“, te uz učešće srpskih vojnika iz Petkovaca, ušlo u muslimansko selo Klisa u kojem je živjelo i u koje je izbjeglo oko četiri hiljade muslimanskih civila iz susjednih muslimanskih sela, a zatim su pripadnici Brničke čete prijeteci automatskim i drugim naoružanjem, istjerali iz kuća one civile koji nisu bili izašli na put, te su ih sve dotjerali na raskrsnicu u Klisi, gdje su neidentifikovani srpski vojnici ubili civila [REDACTED] i još jednog neidentifikovanog muslimanskog civila iz sela Sjenokos, a neke civile su fizički i psihički zlostavljali, a tu u Klisi je bio prisutan i preseljenje je nadgledao **Radović Vinko**, a nakon toga su pripadnici Brničke čete te pripadnici srpske vojske iz Petkovaca, prisilili oko četiri hiljade muslimanskih civila muškaraca, žena i djece da u Klisi ostave traktore i vozila te njima predaju ključeve od vozila, a zatim su ih, psujući im balijsku majku, prisilili da se iz Klise, u koloni po dvoje, upute prema Bijelom Potoku, pri čemu su se ovi srpski vojnici, rasporedili sa obje strane kolone i pri tome neke od civila udarali kundacima pušaka,
  - a nakon što su pripadnici Brničke čete ovu kolonu od oko četiri hiljade muslimanskih civila prisilno doveli na asfaltni put u Bijelom Potoku, gdje se u toku dana dolazili i provođenje prinudnog preseljenja nadgledali **Spasojević Dragan, Radović Vinko** i **Vasić Dragomir**,
  - **Panić Petko** je učestvovao u nečovječnom postupanju prema oko četiri hiljade prisilno dovedenih muslimanskih civila, nezakonitom zatvaranju oko 600 muslimanskih civila te prisilnom preseljenju oko tri hiljade muslimanskih civila, i to tako što je:
    - zamjenik komandira Stanice javne bezbjednosti Zvornik **Panić Petko** to jutro 01.06.1992. godine naredio oko 20 aktivnih i rezervnih policajaca Stanice javne bezbjednosti Zvornik da se naoružani automatskim naoružanjem sa njim upute na Bijeli Potok radi obezbjeđenja skupljanja civilnog muslimanskog stanovništva i njihovog transporta, te kada su **Panić Petko** i ovih 20-ak policajaca stigli na Bijeli Potok, **Panić Petko** je rasporedio policajce te im podijelio zadatke,

- a nakon prinudnog dovođenja ovih oko četiri hiljade muslimanskih civila od strane pripadnika Brničke čete na Bijeli Potok, **Panić Petko** i policajci pod njegovom komandom, zajedno sa neidentifikovanim srpskim vojnicima, **prisilili** su oko 600 muslimanskih muškaraca civila starosti od 15 do 70 godina **da predaju dokumente i druge lične stvari**, a zatim su **zajedno razdvojili** oko 600 muslimanskih muškarca civila starosti od 15 do 70 godina (među kojima je bilo najmanje 28 djece i maloljetnih osoba), od njihovih porodica odnosno od njihovih prisutnih majki, žena, djece, sestara i drugih članova porodice, a među tim razdvojenim civilima su bili:









a pri tom njihovom razdvajanju psovali su im balijsku majku i govorili im „*da ih jebo* [redacted]“, tukli su neke od razdvojenih civila šakama, nogama, kundacima pušaka, i drugim podesnim predmetima te tražili da im predaju sav novac, zlato, vrijedne stvari i dokumente, pri tome prijeteći da će biti strijeljan svako ko to ne bude učinio, te prijeteći da ukoliko na nekome vide naušnice ili prstenje da će im odsjeći uši i prste, a usljed ovog razdvajanja su neki od odvojenih muškaraca, kao i njihove žene i djeca i druga prisutna rodbina, plakali zbog ovog razdvajanja moleći srpske vojnike i policajce da im puste maloljetnu djecu i ostalu mušku rodbinu, pri čemu su neki odvojeni muškarci već tada govorili svojim ženama da su oni gotovi, a da one budu jake i da paze na djecu, pri čemu



se neki od prisutnih policajaca i vojnika nekim od majki nudili da izaberu kojeg od odvojenih sinova žele da im ostave, a prilikom ovog razdvajanja je **Panić Petko** lično:

- odvojio [REDACTED] i njegovog brata od njihovih porodica, a zatim su ih natovarili na kamion;
- dozvolio muškoj djeci od [REDACTED], koji su bili razdvojeni od žena i djece zajedno sa ostalim odraslim muškarcima muslimanima, da se priključi ženama i djeci i njihovoj majci;
- nakon što se [REDACTED] obratio svom prijeratnom kolegi policajcu **Panić Petku** u vezi razdvajanja svog oca, **Panić Petko** mu je odgovorio: „Ti [REDACTED] tu, a ti [REDACTED] ostani tamo“, nakon čega je **Panić Petko** razdvojio [REDACTED] i ostavio ga među ženama i djecom, a [REDACTED] je odvojio i pridružio ostalim muškarcima koje su tovarili na kamione;
- nakon što su odvojili dva sina od [REDACTED], ona je prišla **Panić Petku** i molila ga da joj puste dva sina, nakon čega je **Panić Petko** prišao njenim sinovima u koloni i naredio da njih dvojica pređu na stranu sa ženama i djecom i njih dvojica su ostali živi i nisu odvedeni zajedno sa ostalim muškarcima;
- nakon što su odvojeni [REDACTED] i njegovi sinovi, [REDACTED] žena [REDACTED] je molila **Panić Petka** da pusti njene sinove jer ih je dobro poznao, ali **Panić Petko** nije htio da pusti njenu djecu;

pri čemu su neidentifikovani srpski vojnici, u prisutvu policajaca i njihovog komandira **Panić Petka**, pojedine muslimanske civile prilikom razdvajanja ubili, pa su ti neidentifikovani vojnici pored kamiona pretukli a zatim ubili [REDACTED] pored kamiona ubili [REDACTED] koji nije mogao da se popne na kamion, a zatim njegovo tijelo ubacili na kamion, te odveli [REDACTED] iza garaže [REDACTED] na udaljenosti od desetak metara od puta u Bijelom Potoku i tu ih ubili, a što je dodatno uzrokovalo jake psihičke bolove i strah kod prisutnog muslimanskog civilnog stanovništva,

te su usljed ovog razdvajanja prinudno dovedeni muslimanski civili trpili jake psihičke bolove i strah, a neka od djece su se mokrila u gaće, te su na ovaj način, **Panić Petko**, zajedno sa policajcima pod njegovom komandom te neidentifikovanim srpskim vojnicima, ovim razdvajanjem muslimanskih civila muškaraca u dobi od 16 do 70 godina od njihovih porodica: majki, žena, djece, sestara i ostalih članova porodice, svjesno uzrokovali kod odvojenih muškaraca i prisutnih članova njihovih porodica velike patnje, kao i ozbiljne psihičke povrede;

- a zatim su **Panić Petko** i oko 20 aktivnih i rezervnih policajaca Stanice javne bezbjednosti Zvornik pod njegovom komandom, te neidentifikovanim srpskim vojnicima, natjerali oko prethodno imenovanih 600 razdvojenih muslimanskih muškaraca civila starosti od 15 do 70 godina da se popnu na već pripremljene i dovezene kamione - kipere „Autotransporta“, u kojima su vozači bili vozači „Autotransporta“ koje je to jutro zajedno sa kamionima poslao **Spasojević Dragan** radi transporta muslimanskih civila, a zatim su ove muslimanske civile muškarce, pod pratnjom policajaca Stanice javne bezbjednosti Zvornik te pripadnika srpske vojske, sve prinudno odvezli na ovim kamionima do 10-ak kilometara udaljenog Tehničko-školskog centra (TŠC) u Karakaju, gdje su ih zatvorili u malu halu TŠC u Karakaju,
- a zatim istog dana **Panić Petko** i policajci SJB Zvornik, uz pomoć srpskih vojnika, su prinudno preselili preostalih oko tri hiljade žena, djece i staraca na kamionima „Autotransporta“ u kojima su vozači bili vozači „Autotransporta“ koje je to jutro poslao **Spasojević Dragan** radi transporta muslimanskih civila, i u autobusima [REDACTED], a

zatim su ih prevezli prema mjestu Memići u općini Kalesiji te pustili da odu pješke prema teritoriji pod kontrolom Armije BiH, a tada im je **Panić Petko** rekao: „*Idite tamo neka vas vaši pobiju.*“, te su na ovaj način preseljenom civilnom muslimanskom stanovništvu nanijeli velike patnje, kao i ozbiljne psihičke povrede;

- nakon čega se izbjeglo srpsko stanovništvo sa područja Brnice uselilo u kuće prinudno preseljenih muslimanskih civila sela Đulići i drugih sela te su selo Đuliće preimenovali u selo Brnica;

**Čime su:**

počinili krivično djelo „Zločini protiv čovječnosti” iz člana 172. stav 1. i to:

- osumnjičeni **Spasojević Dragan** - tačka d) (*deportacija ili prisilno preseljenje stanovništva*) i tačka e) (*zatvaranje ili drugo teško oduzimanje fizičke slobode suprotno osnovnim pravilima međunarodnog prava*), u vezi sa članom 31. (pomaganje) i članom 180. stav 1. Krivičnog zakona BiH, na način opisan u optužnici;
- osumnjičeni **Radović Vinko** - tačka d) (*deportacija ili prisilno preseljenje stanovništva*) u vezi sa članom 31. (pomaganje) i članom 180. stav 1. Krivičnog zakona BiH, na način opisan u optužnici;
- osumnjičeni **Vasić Dragomir** - tačka d) (*deportacija ili prisilno preseljenje stanovništva*) u vezi sa članom 31. (pomaganje) i članom 180. stav 1. Krivičnog zakona BiH, na način opisan u optužnici, i
- osumnjičeni **Panić Petko** - tačka k) (*druga nečovječna djela slične prirode, učinjena u namjeri nanošenja velike patnje ili ozbiljne fizičke ili psihičke povrede ili narušenja zdravlja*), tačka e) (*zatvaranje ili drugo teško oduzimanje fizičke slobode suprotno osnovnim pravilima međunarodnog prava*) i tačka d) (*deportacija ili prisilno preseljenje stanovništva*), u vezi sa članom 29. (saučiniteljstvo) i članom 180. stav 1. Krivičnog zakona BiH, na način opisan u optužnici.

**Tužilac Tužilaštva BiH**

---